



XUNTA ELECTORAL DE GALICIA

Asunto: Acordo da Xunta Electoral de Galicia, do 12 de febreiro de 2024, polo que se resolve a denuncia da representante xeral do Partido Popular (PP) contra D. Gonzalo Pérez Jácome, alcalde de Ourense, por posible infracción do artigo 50 da LOREX motivada pola colocación de carteis culpando á Xunta de Galicia de diversas situacións, solicitando se ordene a retirada inmediata dos mesmos (RE 463/2024).

A Xunta Electoral de Galicia, á vista dos seguintes

ANTECEDENTES

1. O 9 de febreiro de 2024, a representante xeral do Partido Popular formaliza denuncia (doc. RE 463/2024) na que sinala que *“o día 7 de febreiro de 2024, o Concello de Ourense colocou unha serie de carteis en diferentes zonas do Concello que inclúen as seguinte mensaxes: “Concello de Ourense informa: Defecto en la Vía. Responsable de su reparación por defectos de ejecución XUNTA DE GALICIA”; “Concello de Ourense informa: FUENTE AVERIADA. Responsable de su reparación por defectos de ejecución XUNTA DE GALICIA”* indicando que *“estes carteis comprometen a neutralidade que deben cumprir os poderes públicos durante o proceso electoral”*.
2. O 9 de febreiro de 2024, logo da reunión da Xunta Electoral de Galicia, trasladóuselle ao alcalde de Ourense copia da denuncia, aos efectos de formular alegacións (RS 1204/2024), extremo que se comunicou á representante xeral do Partido Popular (RS 1205/2024).
3. O 10 de febreiro de 2024 venceu o prazo para evacuar alegacións, sen terse cumprido o trámite concedido polo alcalde do Concello de Ourense.

FUNDAMENTOS DE DEREITO

Primeiro. O artigo 50 da Lei orgánica 5/85, do 19 de xuño, do réxime electoral xeral (LOREX), prohibe expresamente no seu apartado 2 durante o período



XUNTA ELECTORAL DE GALICIA

electoral *«calquera acto organizado ou financiado, directa ou indirectamente, polo poderes públicos que conteña alusións ás realizacións ou aos logros obtidos»*. E o seu apartado 3, prohibe *«calquera acto ou inauguración de obras ou servizos públicos ou proxectos destes, calquera que sexa a denominación utilizada, sen prexuízo de que as ditas obras ou servizos poidan entrar en funcionamento en dito período.»*

A Instrución 2/2011, do 24 de marzo, da Xunta Electoral Central, sobre interpretación do artigo 50 da LOREX, en relación co obxecto e os límites das campañas institucionais e dos actos de inauguración realizados polos poderes públicos en período electoral, inclúe entre as campañas institucionais permitidas, *«as campañas informativas que resulten imprescindibles para a salvagarda do interese público ou para o correcto desenvolvemento dos servizos públicos»*. E engade no seu punto quinto que a intervención das xuntas electorais debe producirse como *consecuencia da contestación de consultas, da formulación de denuncias ou reclamacións, ou da interposición de recursos*.

Segundo. As administracións públicas no período electoral poden continuar co exercicio das competencias que legalmente teñen atribuídas: *«El artículo 50.2 de LOREG no prohíbe que durante los períodos electorales las administraciones públicas puedan ejercer las potestades administrativas que tengan legalmente atribuidas»* (Ac. XEC do 4 de marzo de 2020).

Por iso *«el inicio del período electoral no interrumpe aquellas actuaciones de los poderes públicos que resulten necesarias para la salvagarda del interés público o para o correcto desenvolvemento de los servicios públicos»* (Ac. XEC do 10 de maio de 2011).

Polo tanto, o período electoral non impide a información, sempre que se limite estritamente a proporcionar aquela que sexa de interese xeral (Ac. XEC do 14 de abril de 2011) ou que sexa útil, carente de valoracións electoralistas e enmarcada dentro dunha campaña informativa específica (Ac. XEC do 16 de maio de 2019).

Agora ben, como tamén indica a entidade política denunciante, a *Junta Electoral Central* tense pronunciado verbo de actuacións dos poderes públicos que teñen por obxecto obras, nos termos seguintes:

«Esta Junta entiende que los poderes públicos sólo pueden realizar actos de presentación de las condiciones técnicas de proyectos de obras públicas en período electoral cuando a la luz de las circunstancias dicha actuación sea imprescindible para la realización de los objetivos que tenga encomendada una Administración y no



XUNTA ELECTORAL DE GALICIA

sea posible postergar el acto hasta después del período electoral sin grave lesión para el interés general. En todo caso, cualquier acto de este tipo que se realice en período electoral deberá abstenerse de contener campañas de realizaciones o logros y no podrá tener ningún contenido electoralista» (Ac de 14 de abril de 2011).

Terceiro. No presente caso, e tendo en conta que os poderes públicos se atopan vinculados a un deber de obxectividade e igualdade nas súas actuacións durante o período electoral, a inserción de anuncios en espazos ou lugares públicos deberá limitarse estritamente a proporcionar información de interese xeral, e como se desprende da denuncia e das publicacións presentadas as lendas: “**Defectos en la vía. Responsable de su reparación por defectos de ejecución Xunta de Galicia**” “**Fuente averiada responsable de su reparación por defectos de ejecución Xunta de Galicia**”, non se atopan amparadas no artigo 50 da LOREX nin na Instrución 2/2011 do 24 de marzo, polo que, existindo, como se sinala na denuncia, críticas cruzadas entre as reclamacións do concello e o goberno galego, e concorrendo á contenda electoral o partido Democracia Ourensana do que o señor alcalde do concello de Ourense forma parte, os carteis financiados polo concello nos que se responsabiliza á Xunta de Galicia das deficiencias na cidade de Ourense, exceden claramente das actuacións que os poderes públicos poden continuar realizando no período electoral.

De conformidade con canto antecede, adóptase o seguinte

ACORDO

Estimar a denuncia e requirir do denunciado a que curse as ordes correspondentes para retirar de xeito inmediato os citado carteis, advertíndolle que se absteña de levar a cabo unha acción semellante durante o proceso electoral e da apertura dun procedemento sancionador no caso de que non atenda a este requirimento.

En execución do presente acordo, e para o cumprimento do disposto no art. 21.2 LOREX, desenvolvido pola Instrución da Xunta Electoral Central 11/2007, do 27 de setembro, comunícolle que contra el poderá interpoñer recurso de alzada ante a Xunta Electoral Central, que deberá presentarse ante esta Xunta Electoral de



XUNTA ELECTORAL DE GALICIA

Galicia, para o seu informe, antes 11:00 horas do próximo día 16 de febreiro de 2024.

O recurso poderá presentarse por correo electrónico no seguinte enderezo:
xunta.electoral.galicia@parlamentodegalicia.gal